

Inatsisartut aalajangiiffigisassaattut siunnersuut Naalakkersuisut pisussaatinneqassasut qallunaat naalakkersuisui atassuteqarfigissagaat, anguniarlugu USA-mi, Tysklandimi Ruslandimilu qallunaat aallartitaqarfiinut atasunik Naalakkersuisut sinniisussaannik atorfinitsitsisoqassasoq kalaallit soqutigsaannik ingerlatsisussanik, Namminersorluni Oqartusaaanermut inatsimmi § 15 tunngavigalugu.
(Inatsisartunut ilaasortat Knud Kristiansen aamma Siverth K. Heilmann, Atassut)

Akissuteqaat

(Naalakkersuisut Siulittaasuat)

Naalakkersuisut sinnerlugit siunnersuuteqartut aalajangiiffigisassatut siunnersuutip matuma Inatsisartuni oqaluuserineqarnissaanut pissutissaqartitsilmata qujassuteqarfigaakka.

Sinniisoqarneq

Siunnersuummi siunissaq ungasinnerusoq isigalugu Nunanut Allanut Tunngasutigut Periusissami Nassuiaammilu anguniarneqartussatut allassimasut pineqarput. Nunat pineqartut pingasut – USA, Tyskland Ruslandilu – Kalaallit Nunaata sinniisoqarfeqalernissaanik kissaateqarfiusutut taaneqarsimapput. Naalakkersuisut siunnersuut tunngaviatigit tapersersorpaat, Naalakkersuisulli aallartitaqarfinnik pilersitsisoqartussanngussappat pilersitsinissamullu periarfissaqartoqalissappat nunani sorlorni aallartitaqarfinnik pilersitsinissami pingaarnersiuonissaminnut periarfissaqarusupput. Maannakkut aallartitaqarfimmik pilersitsisoqassappat Naalakkersuisut USA pilersitsiffissani sallerpaavoq.

Aningaasaqarneq

Aallartitaqarfiup qanoq sulisoqartiginera apeqqutaatillugu aningaasartuutit annertussuseqassapput, nunap aallartitaqarfiup akigititai kiisalu aallartitaqarfiup angissusaa. Aallartitaqarfik angisooq angisuunik ingerlatsinermi iluaqutissartaqarpoq. Bruxellesimi aningaasartuutit appasipput - 4,1 mio. kr.-it – sulisut marluk - danskit EU-mi Sinniisoqarfiata anginera pissutigalugu. Taamaattumik assersuutigalugu USA-mi, Ruslandimi Tysklandimilu sinniisoqarfimmik pilersitsinermi Bruxellesimut aningaasaliissutit tamakkiisuunngitsumik uuttuutit atorlugit nalilersuutigineqarsinnaapput. Aningaasartuutit qaffasinnerussagunarput. Danmarkimi Nunanut Allanut Ministereqarfik suleqatigalugu danskit aallartitaqarfiini attuumassuteqarsinnaasuni sinniisoqartitsinerup qanoq aningaasartuutaatigisinnaanera paasinierneqarpoq. Aningaasartuutit taakkua qanoq annertutigisinnaanerat suli ilisimaneqanngilaq, kisianni aningaasartuutit taakkua pillugit misissuinerit ukioq manna naatinnagu piareernissaat neriuutigaarput.

Piumasarineqartut saqqummiunneqartut aallaavigalugit aalajangiiffigisassatut siunnersuut Naalakkersuisut akuersissutigineqarnissaa tapersersorpaat aamma innersuussutigalugu siunnersuutip aappassaaneeraneqannginnerani Nunanut Allanut Sillimaniarnermullu Ataatsimiititaliami oqallisigineqaqqaarnissaa.